

CUMÙNI DI LUNGÒNI



Santu Pascali



LA DÌ 17 DI MAGGHJU È SANTU PASCALI.

CHISTU È LU CÒNTU DI LA 'ITA DI LU SANTU PRUTITTÓRI DI LI FÈMINI,
DI LI CUCINÉRI E DI LI PASTICCÉRI.

Santu Pascàli Baylon nascìsi la dì 16 di magghju di lu 1540, la dì di Pasca di Fióri, in Torre Hermosa, in Aragona.

Di famiglia pòara, da sendi minóri lu mandésini a lu pasculu di pécuri e capri. In mezu a lu trabàddhu si punìa a banda umbè di 'olti pa' pricàni.

Candu cumprìsi 18 anni dummandési d'esse ammissu illu conventu di li francescani Alcantarini di Santa Maria di Loreto, e vinìsi bucciata la dummanda, forsi palchì era troppu ciòanu.

Cun tuttu no si smarinési, vistu chi l'ammittìsini a lu noviziatu la dì 2 di friàgghju di lu 1564.

L'annu infattu, emittìsi la solènni professiòni come «fratédhhu laici» no sintendisi ancóra dignu di lu sacerdoziu.

Illu 1576 lu ministru provinciali l'affidési come cumandu, abbèddhu priculósu, di pultà documènti impulanti a Parigi, arrischèndi di esse mòltu da li calvinisti.



CUMÙNI DI LUNGÒNI



Santu Pascali

Lu cumandu lu pultési a bon fini e àisi una bona 'rrisciuta.

Tutta la 'ita sóia è statu sempri innammuratu di l'Eucaristia e li désini lu tittulu di «teologu di l'Eucaristia».

Scrìsi ancóra un libbru innantu a la 'éra presènza di Cristu illu pani e illu 'inu.

Murìsi illu conventu di Villa Real, accultu a Valencia la dì 17 di magghju di lu 1592, la dì dapói chi à cumprìtu 52 anni; Comu cumbinési la dì chi è natu, ancóra la dì chi è mòltu éra duminica di Pasca di Fióri.

Lu canonizzési Alessandru VIII illu 1690.

Illu 1897 Leone XIII lu procramési patronu di li Congressi eucaristichi.

Pa' lu só disìciu di sta più illu ghjustu pussibbili, si sottupunìa di cuntinu a pesanti mortificaziòni e a pinitenzi sempri più nummarósi, a lu puntu chi lu salutu sóiu era 'inendi mancu.

A lu funerali abbuiési umbè di ghjenti, chi vulìa dà accunòltu e dà l'ultimu salutu a l'umili fratédthu laicu francescanu, cunnòttu in tuttu lu mundu cattolicu pa' la só santitài e pa' li miraculi chi avvinìsini.

Lu 'enerésini abbeddhu in Napuli, chi éra suttu a la dominaziòni spagnóla.



CUMÙNI Di LUNGÒNI



Santu Pascali

La devoziòni si incintrési in dui cunventi franciscani manni e famósi, chi un tempu érani di li Alcantarini, ma ancóra s'agàtta: Santu Pascali in Chiaia e Santu Pascali in Granatello, chist'ultimu illa cità di Portici. Lu 'nnommu sóiu lu désini a 'inì di stédghi, comu suzzidia in tuttu lu Sud Italia.

Lu beatifichésini 26 anni dapói ch'è mòltu, la dì 29 di santigaìni di lu 1618, da Papa Paulu V e prucclamàtu santu la dì 16 di santigaìni di lu 1690 da Papa Alessandro VIII.

Li resti sói, chi vinìa veneratu cun devoziòni manna in Villarreal, li profanésini e li paldìsini in fra di la gherra zivvili spagnóla; una palti l'agattésini più addananzi e li turrésini a la cità illu 1952.

La só appassionata devoziòni pa' l'Eucaristia à ispiratu illi secculi li tanti altisti chi l'ani pòstu in pintùra e in istatua: ill'ópari d'arte, comu illi 'mmagghjinédghi devozionali, cumpari sempri adorendi lu Santissimu Sacramentu ill'ostensoriu.

In Napoli è ancóra abbeddhu popolari una preghiera ricitata da li fèmini chèna maritu: "Santu Pascali Baylonne, pruttóri di li fèmini, fammi agattà maritu, biancu, rùiu e culurìtu, come te, preccìsu, o gloriósu santu Pascali!"

Santu Pascali Baylon è lu pruttóri di li fèmini, di li cucinéri e di li pasticceri.

